

²² А Гезино; АБ Геоиноно ²³ БС до б.: ученика бывша святого пророка Елисея ²⁴ А нет ²⁵ А нет ²⁶ БС до б.: сих ²⁷⁻²⁹ БС святого великаго — имярек — его же церкви всех свя тых ныне и присно и в веки веком. Аминь ²⁸ в ркп. и в ЛА до б.: и святою стцю нашую Антонья и Феодосия.

XI

Молитва святого Феодосия Печерьскаго за вся крестьяны

Владыко Господи Человѣколюбче, иже [л. 275 об.] суть вѣрнии, Господи, утверди я, да будутъ вѣрнѣйши того. Иже суть неразумливѣи, ты, Владыко, вразуми я. Иже суть погани, Господи, обрати я на крестьянство, и ти будутъ братья наша. Иже суть в темьницахъ, или въ оковѣхъ, или в нужи, ты, Господи, избави я от всякоя печали. Иже суть в затворѣхъ, и въ столпѣхъ, и в печерахъ, и въ пустыни, братья наша, ты, Господи, подажь имъ крѣпость к подвигу. Помилуй, Господи, князя нашего — имярек — и градъ съ и вся сущая люди в немъ. Милостью своею помилуй и ме[л. 276]не, раба своего грѣшнаго — имярек. Аще и многогрѣшенъ есмь, но правую вѣрою рабъ твой есмь. Спаси и помилуй, Господи, епископа нашего — имярек — и весь чинъ мнишьскый съ ирѣи и дьяконы, и вся правовѣрныя крестьяны — имярек. Помилуй, Господи, сущихъ в недостаточствѣ и озлобленныя нищетою, подажь имъ богатую милость — моления ради святыя Богородица, и силою честнаго креста, и святого триднѣвнаго въскресения твоего, и славнаго пророка и предтеча ради Иоана, и всѣхъ пророкъ и апостолъ твоихъ, [л. 276 об.] святитель и мученикъ, и преподобныхъ отецъ и святыхъ женъ, и всѣхъ святыхъ твоихъ и святыхъ отецъ 300 и 18, иже в Никѣи, и святыхъ отецъ — поручникъ нашего покаяния — Василья, Григорья Богословья, Иоана Златоустаго, и Николы, и святого отца нашего Антония,¹ всея Руси свѣтилника, обѣщавшаго молитися за ны. И покой, Господи, душа рабъ своихъ, правовѣрныхъ князь нашихъ и епископъ — имярек — и вся сродники наша по плоти — имярек. И покой, Господи, душа рабъ своихъ, всѣхъ правовѣрныхъ крестья[л. 277]иъ, умершая въ градѣхъ, и в сельхъ, и в пустыняхъ, и на путяхъ, и на мори. Покой я на мѣстѣ свѣтлѣ, в лицѣ святыхъ, въ оплотѣ благаго рая и жизни бесконечной и неизглаголанѣмъ и немерцаемѣмъ свѣтѣ лица твоего, — яко ты еси покой и въскресение упошимъ рабомъ твоимъ, Христе Боже нашъ, и тебе славимъ съ Отцемъ и Святымъ Духомъ и ныня и присно.²

¹ в ркп. доб.: и Феодосия

² Ср. эту молитву с молитвою „о вѣрныхъ“ Часослова б. Ярославскаго Архирейскаго Дома, ныне Московскаго Гос. Историческаго музея № 5—5, XIII века: „Яже суть твои вѣрнии, Господи, утверди я, да будутъ вѣрнѣйши того. И яже суть нерзумни, да и ти будутъ разумни. А иже суть пога[л. 65] ни, обрати я, Господи, да и ти будутъ братья наша. Иже суть въ темьницахъ, или въ ужихъ, или въ оковахъ, ты я, Господи, избави от того, дай имъ милость, яже суть братья наша тамо живутъ. Дай же имъ покой, Господи, иже имени твоего ради лишиша ся всѣхъ сластей земьныхъ, иже суть въ горахъ и пустыняхъ и въ пещерахъ, ихъ же свѣднѣи, ты я помяни, Господи, — не нашихъ дѣла дѣяний, ни нашихъ дѣла безаконий, нѣ [л. 65 об.] святого и милостиваго твоего креста и святого твоего триднѣвнаго въскресения, и святыя твоея матере Марья и приснодѣвица молитвы дѣла, и святыхъ архангелъ, серафимъ и херовимъ, и святыхъ пророкъ и святыхъ апостоловъ, и святыхъ мученикъ и святыхъ преподобныхъ — тѣхъ молитвами, а не мене ради грѣшнаго, услыши, Господи, молитву мою и помози ми, избави мя, Господи, от вѣчныя муки, — яко тебѣ есть слава въ вѣ[л. 66]кы. Аминь“.